



## Concello de Vigo

### **ADDENDA AO CONVENIO ENTRE O CONSORCIO GALEGO DE SERVIZOS DE IGUALDADE E BENESTAR E O CONCELLO DE VIGO PARA A XESTIÓN DO CENTRO DE EMERXENCIA PARA MULLERES VÍTIMAS DE VIOLENCIA DE XÉNERO**

Con data de 21 de novembro de 2008 foi asinado o Convenio de colaboración entre o Consorcio Galego de Servizos de Igualdade e Benestar e o Concello de Vigo para a xestión do Centro de Emerxencia para mulleres vítimas de violencia de xénero (CEMVI)

Atendendo ao disposto na Disposición adicional terceira da Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Pública, propónse á aprobación da addenda que se incorpora a este convenio na que se procede a adaptar o convenio ao rexime da Lei 27/2013 incorporando nela unha avaliación sobre a necesidade e o interese que teñen ambas administracións en continuar na cooperación no exercicio das competencias, xustificando a colaboración e cooperación para a prestación do servizo e a súa financiación conxunta así como a non existencia de duplicidades.

Asemade, e froito das negociacións entre o Consorcio Galego de Servizos de Igualdade e Benestar e a Concellería de Igualdade realizadas nas xuntanzas da comisión de seguimento do convenio, na addenda que se propón, tamén se recolle unha minoración de 25.000,00€ na achega anual do Concello de Vigo.

Tras diversas conversas mantidas, e sen prexuízo do recollido nas súas cláusulas, ambas partes coinciden na necesidade de acordar unha addenda ao devandito convenio nos seguintes termos:

#### **XUSTIFICACIÓN e AVALIACIÓN**

A Violencia de Xénero constitúe a manifestación mais extrema da desigualdade entre os xéneros e é necesario por parte dos poderes públicos e das Administracións unha intervención firme e contundente para erradicala.

A Lei Orgánica 1/2004, de 28 de decembro, de medidas de protección integral contra a violencia de xénero articula medidas dirixidas a reforzar os servizos sociais de información, atención, emerxencia, apoio e recuperación integral, así como o establecemento dun sistema para a eficaz coordinación dos servizos existentes a nivel municipal e autonómico. Establece o dereito das mulleres vítimas de violencia a servizos de atención, de emerxencia, de apoio, de acollida e de atención integral. A organización destes servizos por parte das Comunidades Autónomas e Corporacións Locais responderá aos principios de atención permanente, atención urxente, especialización de prestacións e multidisciplinaria profesional.



## Concello de Vigo

O Centro de Emerxencia para mulleres en situación de Violencia de Xénero de Vigo (CEMVI) integrado na Rede Galega de Acollemento, ten como finalidade proporcionar aloxamento inmediato e de curta estancia ás mulleres e a súa prole que se atopen inmersas nunha situación de malos tratos e garantirilles un acollemento de emerxencia mentres se valora a súa situación, se inicia o tratamento e/ou se efectúa unha derivación a outro dispositivo máis axeitado.

O Centro garante unha atención continuada as usuarias todos os días do ano, incluídos sábados, domingos e festivos.

O Centro de Emerxencia ten como obxectivos xerais:

- Protexer a muller e súa prole e/ou persoas dependentes con vínculo afectivo ofrecéndolle un espazo seguro e inmediato que evite novos episodios de malos tratos
- Proporcionar unha residencia temporal que cubra as necesidades básicas e de seguridade ante unha situación de crise ou emerxencia vital e de ruptura de vínculos co agresor
- Ofrecer un espazo temporal e os apoios profesionais nas áreas persoal, familiar, psicolóxica, xurídica e social integral para favorecer a toma de decisións.
- Facer visible socialmente e na comunidade o problema da violencia de xénero e denunciar a inxustiza social que supón a violencia de xénero.
- Favorecer a adquisición de independencia e autonomía persoal das mulleres, ofrecendo os recursos oportunos ó seu momento vital e contribuir á súa total recuperación
- Facer unha efectiva coordinación de recursos e lograr unha detección de casos e unha intervención máis áxil e eficiente

O Centro de Emerxencia ten como obxectivos específicos:

- Reducir o estres e a sintomatoloxía asociada á situación de emerxencia
- Iniciar a construción da demanda por parte da muller de xeito personalizado
- Iniciar os tratamentos profesionais axeitados polo propio centro ou polos dispositivos que correspondan, a través das oportunas derivacións

Este Centro é un servizo social especializado de primeiro nivel de atención. Recibe ingresos de mulleres de todas as provincias de Galicia que necesitan un tempo e un espazo de atención, seguridade e protección ante situacións de maltrato. Desde a súa posta en funcionamento en 2009 ata o 30 de setembro de 2014 ingresaron 272 mulleres e 206 menores.



## Concello de Vigo

As características específicas deste servizo fanno único en todo o territorio da Comunidade Autónoma Galega, no existindo duplicidades nos servizos que presta por parte doutros servizos de información ou acollemento da rede galega. Supón unha especificidade única en torno a un proxecto dunha relevante singularidade e que non responde de forma específica a ningunha actividade xenérica da administración.

A avaliación do Consorcio e do Concello de Vigo no que atinxe á continuidade da xestión do CEMVI nos termos previstos no convenio subscrito entre as partes con data 21 de novembro de 2008 e no previsto no texto desta addenda é positiva.

### **PRIMEIRA.- ESTADÍA NO CENTRO**

A estadía no CEMVI será a determinada pola equipa do mesmo, tendo en conta a natureza do propio Centro ( Centro de Emerxencia), coas peculiaridades sinaladas na súa regulamentación, sen prexuízo de aumentar e rebasar o período de estancia, por mor de características singulares, ata o máximo de seis meses.

### **SEGUNDA.- COMISIÓN DE SEGUIMENTO**

A Comisión de Seguimento do convenio, prevista na súa cláusula sexta, terá a seguinte composición:  
Por parte do Consorcio Galego de Servizos de Igualdade e Benestar: O xerente e a coordinadora ou persoa que realice ditas funcións do CEMVI.

Por parte do Concello de Vigo: a concelleira de Igualdade e a xefa do Servizo de Igualdade.

A Comisión reunirse cando menos dúas veces ao ano a pedimento de calquera das partes. Destas reunións redactarase a correspondente acta.

### **TERCEIRA.- COORDINACIÓN COA EQUIPA TECNICA DA CONCELLERÍA DE IGUALDADE**

Sen prexuízo das reunións da comisión de seguimento, persoal do CEMVI reunirse cando menos unha vez ao mes, como se ven a facer de maneira regular nos últimos tres anos, coa equipa do CIM. Nestas reunións o CEMVI dará conta das mulleres ingresadas no centro o mes anterior; e o CIM comunicará o seguimentos das mulleres que saíran do CEMVI e que elas leven, así como posibles antecedentes que existiran tanto na Casa de Acollda ou no CIM de mulleres que estean ingresadas no CEMVI.

Todas as semanas comunicarase ao Concello de Vigo, os ingresos e saídas de mulleres de Vigo que se produzan no CEMVI.



## Concello de Vigo

### CUARTA.- RESERVA DE PRAZAS.

Continuaranse garantido o acceso ao CEMVI das mulleres viguesas vítimas de violencia de xénero e as persoas dependentes delas que o necesiten, seguindo os cauces marcados ata o de agora.

### QUINTA.- CESIÓN DE DATOS.

A posta a disposición da información sinalada no apartado terceiro, coordinación entre o CEMVI e a equipa técnica da Concellería de Igualdade supón unha cesión de datos contidos no ficheiro USUARIAS DO CEMVI do que é titular o CGSIB, así como dos datos contidos no ficheiro "Usuarias CMIDM" do que é titular o Concello de Vigo.

Polo tanto é un suposto de comunicación de datos entre administracións públicas sobre competencias que versan sobre a mesma materia regulado no art. 21 da LOPD, polo que cada entidade será responsable do deber de recadar o consentimento da persoa usuaria ao que se refire o art. 11 da LOPD.

A cesión de información procedente do CGSIG ten coma finalidade exclusiva o adiantar ás técnicas do Concello a información de aquelas persoas usuarias que pasarán ou poderán pasar a calquera dos seus dispositivos, tanto de acollida, como de información; así como finalidades estatísticas.

A cesión de información procedente do CONCELLO ten coma finalidade exclusiva, o coñecer antecedentes e historias de persoas usuarias do CEMVI neses momentos; así como o progreso e marcha das persoas que estiveron no CEMVI e que foron derivadas a calquera servizo do Concello relacionado coa materia; así como finalidades estatísticas.

Calquera outro que se faga destes datos suporá un incumprimento do presente convenio, que facultará a calquera entidade a pedir as responsabilidades oportunas; así como responderá de calquera reclamación derivada do emprego indebido que se faga por parte dos titulares dos datos cedidos.

### SEXTA.-ACHEGAS ECONÓMICAS

Para o ano 2014 e seguintes, o Concello comprométese a contribuír aos gastos do Centro cunha achega de 241.000 euros, contía que se estima adecuada para atender ás necesidades do Centro, tendo en conta os gastos derivados do seu funcionamento e a contía que se achega pola Secretaría Xeral de Igualdade ao Consorcio, que é de 50.000 euros.

Esta minoración da achega municipal non afectará ao funcionamento normal do servizo, manténdose o número de postos e xornadas das traballadoras do Consorcio, o número de prazas e os períodos de estadia das usuarias.





## Concello de Vigo

### SÉTIMA.- DIFUSIÓN

En toda a información e difusión do servizo figurará o logo do Concello de Vigo e da Concellería de Igualdade. O deber de informar e difundir o financiamento do Concello de Vigo estenderase a todo o material impreso e audiovisual que se edite: impresos, memorias, roldas de prensa, páxinas web ou calquera outra forma de difusión.


E en proba de conformidade cos termos desta addenda, as partes comparecentes asínano e rubricano por triplicado exemplar no lugar e data expresados.

En Vigo a 19 de Decembro de 2014

O XERENTE DO CONSORCIO GALEGO DE  
SERVIZOS DE IGUALDADE E BENESTAR

**CONSORCIO  
GALEGO**  
de Servizos de Igualdade e Benestar

Roberto Rodríguez Martínez



ALCALDE  
DO CONCELLO DE VIGO

Abel Caballero Alvarez